



Page: 11

Reach: 50000

Country: BOSNIA AND HERZEGOVINA

Size: 280 cm2

1 / 1

SIPA uhapsila 13 bivših pripadnika „Mića“ u Doboju i Tesliću


Šaćirović: Molila sam Predu da mi ne ubija sinove!

Zbog zločina nad Bošnjacima i Hrvatima, između ostalih, uhapšeni i Andrija Bjelošević i Predrag Markočević

Pripadnici Agencije za istrage i zaštitu BiH (SIPA) uhapsili su jučer 13 osoba koje se sumnjiče za ratne zločine i zločine protiv čovječnosti počinjene 1992. godine na području Doboja i Teslića, saopćeno je iz ove agencije.

Radi se o predmetu koji se odnosi na ratne zločine koje su počinili pripadnici oružane formacije „Miće“ iz Teslića, a akcija je provedena po nalogu i uz koordinaciju tužioca iz Posebnog odjeljenja za ratne zločine Tužilaštva BiH.

Među uhapšenima su Andrija Bjelošević, bivši šef policije u Doboju, njegov pomoćnik Milan Savić, kao i Predrag Markočević, bivši šef policije u Tesliću, zatim Dušan Kuzmanović, Marinko Đukić, Miroslav Pijuno-




Markočević i Bjelošević:
Odgovorni za torture

vić, Dobrivoj Čulibrk, Dragan Marijanović, Dario Slavuljica, Saša Gavranović, Predrag Subotić, Vitimir Dević, Zoran Šljuka.

Oni se sumnjiče da su počinili zločin protiv čovječnosti nad žrtvama bošnjačke i hrvatske nacionalnosti na području Teslića i Doboja tokom 1992.

U Tesliću je naša ekipa jučer zatekla tišinu. O ratu se



Šaćirović na mezarima sinova: Tukli su ih drvenim motkama

u teslićkom kraju inače nerado priča. O krvavom pohodu „Mića“ posebno ne.

Po nalogu Suda BiH, na lokalitetu Pijeskovi u blizni teslićkog sela Vlajići u januaru

ove godine obavljena je ekshumacija masovne grobnice.

Saliha Šaćirović u masovnim grobnicama u okolici Teslića pronašla je tri sina. Muža Memiju identificirala je u Vlajićima. Posljednji put ih je u junu 1992. pokušala vidjeti u Policijskoj stanici u Tesliću, gdje su odvedeni, kaže, po nalogu Prede Markočevića.

- Kada su ih odveli, tukli su ih drvenim motkama. Sva u suzama sam odlučila otići u stanicu milicije, pa šta bude. Kada me vidio, Predo je doviknuo saradnicima: „Držite nju, ona je majka od ove trojice!“ Molila sam ga da mi ne ubija sinove i muža, prave i nedužne. Kazala sam mu: „Možeš, Predo, ali bit će blata iza rata“ - kazala nam je Šaćirović. M. Č. - M. Aš.